



九

08329

84174  
75280  
嘉慶乙亥重鐫

册  
卷  
四  
下

敬義堂胡箴板

詩以怡性情而性情每喪於詩自八世以後汨於  
名勢之途而謬託於風露月雲以自文其陋於是詩

工而性情愈不可問矣余之詩祇以自娛而世不以爲  
工惟吾畊餘子每讀輒擊節或相對涕下不自知其何  
所觸也嗚呼耕餘死矣畊餘死世無好子詩者余詩何  
足存已酉秋因悉取篋中愜意者付之火其他應酬諸  
作不足焚者稍稍編次題之曰刪後詩以示門下羣從  
輩夫精華去而渣滓僅存余之詩良可哀已嗚呼畊餘  
而可作也安知不啞然大笑夫焚者之不焚而不刪者  
自序

之真刪也又安知後之人不以存者之可刪而轉憶夫  
焚者之必不可焚也夫自性情言之雖自目爲精華猶  
之渣滓而已存耶焚耶又何足論哉丙子九月中浣越  
江梓書於筠谷精舍

刪後詩存總目

卷之二

古樂府

七首

補四首

卷之三樂府

四十二首

補一首

卷之四樂府

五十八首

補四首

卷之五樂府

五十首

補一首

卷之六樂府

四十二首

補一首

卷之七樂府

二十八首

補二首

卷之八樂府

四十九首

補一首

刪後詩存

卷之二 總目

古體詩

四十九首

補一首

卷之五

四十二首

補一首

古體詩

四十二首

補一首

卷之六

七十八首

補四首

古體詩

七十八首

補四首

卷之七

一百二十六首

補四首

今體詩

一百二十六首

補四首

卷之八

一百二十四首

補五首

今體詩

一百二十四首

補五首

卷之九

今體詩 三

一百二十五首

補四首

卷之十

今體詩 四

一百三十九首

補三首

刪後詩存

卷之一 總目

二



今體詩

一百二十六首

補三首

卷之九

今體詩

一百二十七首

補四首

卷之十

今體詩

一百三十九首

刪後詩存卷之一

容星山人陳梓古銘

古樂府

隴頭歌

隴頭雪深隴頭月寒薄暮吹角天風闌珊解一旣稅我馬

復勞我民隴頭之水日夜哀鳴解二鬻我高爵實我軍費

用兵百年我王乃利解三離鄉萬里不董焉逃誰無室家

勞心切切解四

君馬黃

刪後詩存

卷之一

一

君馬黃臣馬白臣馬猶活君馬殲駕車馳馬或南或北  
車如水馬如龍暮出承明廬朝入未央官非不念君馬  
臣自有新天子萬萬年有天下

臨高臺

臨高臺臺前歌舞一何喧喧昨日塵沙撲我面今日錦  
繡披我肩登高一望我山川葡萄酒黃金船令我主  
壽萬年嗚呼令我主壽萬年

落葉哀蟬曲

落葉兮秋風陽精滅兮陰光雄髮未白而漸短哀我生

兮飄蓬彼美人兮江之東珮珊珊兮雍容欲往從之波

溶溶來路日常空林林土削却謝兩文兩文代言小

母蓋古別離辭恨初夢中謝良卿良卿曾劍詩更自

妾住鳳凰山移家鴛鴦湖鴛鴦忽分飛鳳凰亦羈孤解一

灑淚向湖水隨郎北流去莫過妬婦津見淚或尤汝解二

笑言慰阿女爺去不日歸回身獨上樓淚落紅羅衣解三

南湖楊柳多不能挽郎車黃河北風大不能吹郎歸解四

不恨楊柳青不恨黃河深放郎馬頭去賤妾終無情解五

怨別詞二首

卷之一

刪後詩存

明月惜郎去向郎馬頭圓妾心明似月不隨月轉旋一

闕待郎補郎有修月斧

落花惜郎去襯郎馬蹄軟妾顏可比花不似花宛轉花

落得重開朱顏不再來

今樂府上

母尋兒

母尋兒兒在何處啼夢中抱兒哺兒乳滑臉清頭自摩

拊醒來紅日當空牀牀上喧喧惟兩女兩女乃言小弟

歎屈指今朝雙滿月母聞此言心悲酸肝腸陡覺千刀

攢人間茫茫何處尋不如竟向泉下行嗚呼不如竟向  
泉下行讀感故兩不覺不覺心口事負前中黑烟全  
焉千楊孝女曾親親親如遊水指養母如血  
女在家從父既嫁當從夫母雖抱篤疾割股胡爲平孝  
女曰不然此道無兩途不能事父母何以奉舅姑兒身  
從何來母氏實勤劬母疾不可起兒股猶可剝兒肉苟  
已疾兒敢愛兒軀旁人謂兒愚兒不讀詩書見知有母  
耳安問禮有無又謂兒好名兒心敢自誣好名男子事  
婦人欲何圖知兒惟阿母九泉涕漣如

刪後請存

卷之二

三

沈烈婦有序

烈婦陳吾鄉鸚山人歸沈濬如居瀕海海溢有  
司驅民築塘沈勞瘁疾革婦爲嘗糞及卒截髮  
殉棺所親以婦少謀慮之婦遂經  
死年二十二汪子津夫爲立傳焉

沈烈婦胡不養爾姑爾姑亦死當奈何沈烈婦胡不撫  
爾孤爾孤不保將何如我知烈婦重一死爲夫豈不念  
及此人生意氣止一時妾非上智難久持古來多少讀  
書子國滅何曾昧廉恥或緣救水謀養親或爲社稷圖  
立名因循忍死兩不就不覺初心口辜負前年罵賊今  
叩頭好官我爲成老羞妾思此事真怕人早死一刻完

我真妾眞負我兒與姑負姑負兒實負夫妻眞不孝復  
不慈妾今不死將何爲

徐烈婦

十二作新婦十九尙處女事郎如事兄不敢戲爾汝

終絲手生繭生計做十指上堂具羹湯姑喜郎亦喜

阿翁愛長兒郎身重千金腸中九迴輪欲言抱苦心

郎病不可代妾死亦何有妾死可代郎願郎重娶婦

郎去尙不遠妾身當從行十二爲君婦何論死與生

九原得重逢對郎雙淚垂妾死喜從郎翁姑無長兒

刪詩詩在

卷之一

四

母抱兒

母抱兒抱兒嫁新人脫兒白麻衰裏兒紅羅巾兒向阿  
爺啼兒啼那得知兒是故人子母是新人妻但博新人  
歡那惜故兒寒槌床呼爺爺行人各咨嗟吁嗟行人莫  
笑儂君不見頭白五朝長樂公

婦病行

南山之北吏夜捉兒兒在遠道老翁代之待兒伏法翁  
乃歸老婦出門號呼不惜我翁惜我兒上床不食奄奄  
氣絕一絲亂白老僕出市爲主母市藥道逢主親舊兩

面錯愕述母病故四涕交落我欲不悲肝腸頓催隨僕  
入門門前白日荒草萊坐久無一人但聞閣後喃喃我  
兒來我兒來

去妾嘆

男兒多薄倖婦人等雞狗入門三十春生兒娶新婦兒  
死妾何罪驅迫嫁隣叟憶妾初來時愛妾顏如花床頭  
結私誓生死無參差一朝負前恩棄擲輕泥沙隣叟憎  
我老輾轉向西家朝爲秦暮爲楚嗟哉妾身果誰至恨  
不從兒還九原誰令頭白結新歡噫吁嘻誰令頭白結

刪後詩存

卷之一

五

新歡

母呼兒

母呼兒兒不歸母年七十病垂死兒在瓊州八千里瓊  
州縱有堆庫銀那得鑄我娘老身瓊州縱有珠鋪地那  
能敵我娘眼淚人家養兒爲養老不負勤劬在襁褓兒  
不養母母誰靠兒身雖肥母獨槁兒爲官母爲鬼魂到  
瓊州不見兒落月茫茫隔海水母在兒不歸母死兒不  
知黃菊滿廳兒捧卮是母裏頭入木時

老翁行

老翁種田十畝多三秋無恙風日和磨鎌霍霍行刈禾  
何來孽蟲蔽天黑田祖有靈驅不得千倉萬箱一夕空  
幾縣生靈多絕食東家賣兒償私倉西家鬻女完官糧  
老翁兀坐涕泗沲無女無兒將若何

滙葉孝子歌

有序

昔也

孝子諱癘號十洲原籍新安居青浦事母至孝  
母病割股以療母壽至九十三錢牧齋吳梅村  
俱有詩

嗚呼兒身從何來兒身實爾父之遺爲母而割股兮何  
爲嗚呼使母食兒肉而壽兮母不如無生兒實孝兮實

刪後詩存

卷之一

六

傷母心兒母爲愚孝兮其慎保爾父之身

蘇烈婦

有序

葉瀾孫女名壽英歸蘇  
門年十九夫亡絕粒死

昔也同牢今也獨寤昔也舉案今也築墓爲郎含飯兮  
郎不下咽爲郎陳羹兮郎不我薦嗚呼郎既不食兮我  
何以餐下從郎兮索笑歡郎驚我瘦兮涕汎瀾

宋節婦

有序

屠氏峽川人夫亡年十七去結褵半載耳今年  
七十餘矣無後依其弟以老沈學士翼機每延  
之入閨命兒婦拜之  
日汝輩當學此人

良辰初締婚同心帶雙結未諧郎性情已與郎永訣花  
燭在蘭房一明復一滅鴛鴦池上飛孤鴻中道絕十七  
未亡人七十頭如雪老竹大一圍猶是初生節長松千  
尺多不改舊柯葉磨筭空有山柏舟乃無楫血食竟何  
人碧雲高萬疊

親兄弟歌 有序

山人呼拄杖爲親兄弟古樂府有  
親兄弟救我來之句有感作此

我生不與汝同根父乾母坤分一體上山下山能扶將  
便是親生好兄弟君不見斗粟可舂兄不容尺布可縫  
刪後詩存

卷之二

七

弟不恭少日共乳哺壯年等干戈誰能似爾親兄弟提  
攜白首同婆娑親兄弟聽我歌嗟我同父渺焉山河獨  
行憂憂涕滂沱親兄弟奈我何

劉將軍 有序

久不雨苗頗生蝨鄉人  
爭賽劉將軍爲作此歌

劉將軍劉將軍天不雨日如焚苗根生蝨苗葉瘡東村  
宰牛羊西村熟雞豚將軍日醉飽農夫疲走奔縣官昨  
日來叩頭兩手撲地球汗流佑我凋瘵民保我不黍秋  
去年蟲傷瘡未復今年忍剗心頭肉剗肉猶可糧奈何

誰能救我一家哭劉將軍帝所寵上訴帝帝色動十日  
雨黜蟻蠓稻花香穗連拱重塑爾像丹爾拱君不見香  
烟炙天萬民竦將軍上馬雲滃滃

胡節婦

憶我髫齡時叩天代母疾幼豈知好名稱情率吾質既  
歸知有夫移母以事姑背毒口自甘安辨齋與茶姑歿  
夫復天未亡更何戀諸孤擾吾懷涕淚日縷縷倏忽二  
十春幼者亦成立弛擔差自寬回首重飲泣念母還念  
姑夢寐尙耿耿况我同心人破鏡見隻影苦語告兒曹

刪後詩存

卷之一

八

承先在則倣爲婦有常職敢矜節與孝

榆樹嘆

蟲傷風損歲洊饑村村榆樹都無皮皮光骨赤樹不活  
道旁行人羣嘆咨爾榆何不種天上坐受殘剝徒爾爲  
民飢不勝察樹皮有盡時食盡樹皮同一死民飢死早  
樹死遲來年春氣根底回空村無人生旁枝君不見縣  
門高揭大有年無端剝爾眞可憐

溺女悲

西家老寡婦有女四歲奇年荒食不給寡婦心苦悲哥

嫌小妹午索飯嫂嫌小姑朝呼饑高聲相怨怒安用此  
物爲不如賣作婢猶得五斗糶阿母聞此言抱女輾轉  
思行出東籬門長橋臨深溪投女急流中免汝兄嫂嗤  
歸來掩戶三日哭鴝鵒夜夜當門啼

逐子吟

兒生甫周母見背婆婆育我十餘載今年四旬纔缺二  
膝下生孫坐成對阿爺聽人言逐我千里外攜子并挈  
妻流離等行丐我罪伊何敢怨天伯道棄兒姪乃全兒  
身固當誅尙念婆婆恩婆婆若憐我淚珠湧黃泉昨朝  
刪後詩存

卷之一

九

海風捲黃土伯勞飛上墳頭樹伯勞兮伯勞我死不願  
隨汝曹願作反哺烏願化跪乳羔生生世世不入獍與  
梟

虎跡行

山家畏虎愛虎跡取跡連泥抱歸宅置向茆堂豕圈中  
子子孫孫畜肥碩虎雖食豚偏利豚反貴相生在相勉  
俗間拘忌果何據野老流傳情難測吾聞苛政猛于虎  
昨日舊官過城去土人傳得脫靴風瑟瑟囊鼓祈年豐

女黔婁

有序

一 汪氏女髫年母病滯下嘗糞甜苦後  
嫁何數載夫死守節撫孤終其身

男中黔婁尙寡儔安得女中有黔婁黔婁可作應拜汝  
我若生作女不解詩書但識機與杼安肯別此甜與苦  
嗚呼女黔婁爾若化爲男豈止苦節傳美談嗚呼男黔  
婁我欲贈爾髮與簪

雙鸞告吾母二章

哭從子  
庶戚也

告吾母勿哭兒兒負母母不知三年乳哺七年教誨之  
十三父見背十五行賈驅馳不得定省朝斯夕斯二十

刪後詩存

卷之一

十

歸來爲兒娶妻半載別去仍不得侍庭闈兒實不謹風  
霜中道顛危報母恩今何時兒萬死勿哭兒  
告我妻爾哭我我何知床頭納繡枕半載光陸離枕上  
雙鴛鴦一生一死何差池嗚呼我妻爾何辜爾有遺腹  
爲我存孤爾無遺腹爲我速死勿遺我身後恥爾不死  
爲我守節我報爾石牌坊千載風霜字不裂

孤女行

阿母死纔百日餘兄嫂挈我同居令我朝行汲暮束芻  
一言不合兄嫂怒我嘈雜促我糴米獨舉火束濕吹薪

涕滂沱阿母在黃泉知我不憐我兄嫂賢且能我不中  
使令噫呼嘻兄嫂實賢能我實不中使令

鼠食燭

銅荷殘燭紅半枝鼠來竊食乾泪垂鼠語燭勿泣我不  
食汝終成灰與其赴火明自煎何不使我腹果然燭曰  
孽蟲爾何知我不照嬾婦日沒貪早眠亦不照豪客縱  
飲長夜歡女爲悅已容士爲知己死塌我一寸光註經  
與刪史我身雖灰功代晷嗟嗟孽蟲爾何讐張丞相決  
汝囚

刪後詩存

卷之一

七

賣田行

有序

里有嗜酒而貧賣祭田  
以償券者作此哀之

人言田好酒更好長日朦朧玉山倒華胥國裏廣種秫  
一覺天明收穫早祖宗血食本無多兒孫不飽將奈何  
右有達人語不朽一滴何曾到九泉不如生前一杯酒  
嗚呼使我有身後田不如生前一杯酒

井中嫂

有序

李子魯培兒熙不肖無以贍其妻妻之嫂日給  
膳一夕兄自外至問煮蔬何在日送小姑家矣  
兄怒詈辱之  
嫂寃投井死

姑老愛小姑小姑家貧朝不飽夕不舖妾主費豈不念  
我夫我夫兄妹恩寧不如姑與嫂爲此一箸蔬辱我妯  
與考夫不顧母與妹妾死亦何悔銀床底千尺深小姑  
汲綆鑿我心

李天下

口中兩天下頰上一掌批伶人撻優人天子如小兒壯  
志摧弱情昔盛今何衰令德解克終望古長歎歎

妾薄命

有序

有父客死蜀中子貧嫁父  
妾于里人者作妾薄命

刪後詩存

卷之一

七

父生妾強留父死妾可賣妾無女與兒妾去何挂碍依  
依念主恩臨別重起拜雙淚泉湧流背人向壁灑妾老  
不升價不救郎君饑今夕遣妾去阿母晨司炊妾薄命  
妾何悲令母獨處良可哀

築死壙

有序

有新婚半載夫死者誓不更適  
因夫葬遂築壙于右示同穴也

夫何在壙中是妾何往壙中死兩壙並結如鴛鴦中有  
一穴通肝腸身雖未亡心已亡旁人莫笑妾不死君不  
見墓門煌煌書某氏

不遷小棺

有序

吳中俗親死槩不謀葬為厝亭野間闊一二十載如舉窆棺已腐矣乃拾骸小棺中良可哀也

人有兒營券臺吾有兒折枯骸吾肉雖腐冤鬼化為土

棺底三寸泥精靈實依附奈何節節背家鄉使吾寸寸

離故步天拇小趾覓不得留與狐狸充暮食噫吁嘻小

棺得葬我何悲謝吾兒有孝思君不見東家火煨收殘

灰雙目念空灰

始成敲炭兒

有序

吾鄉子弟十歲外率馳四方傭銀冶敲炭長乃司爐或起家數萬金歸置田宅貧者詭之以是

剛後詩存

卷之一

三

遂成風俗因作詩哀之

敲炭兒手如漆臉不洗頭不櫛鵝鴿青烏江栗敲兩箕

限雙口念爹娘夢家室三千里雲密密人有言富可必

鬚長領金萬鑑簿與尉從此出口歸來整蓬華車軒軒

馬駢駢時未通力胡佚垂爾頤屈爾膝丁復當吾事畢

怒偃師

有序

維揚近以紫檀花梨為木偶能歌舞衣裝盛飾一甲千金作此志感

木為軀錦為衣目可瞬手可持誰造汝古偃師偃師雖

巧不任功偃師雖淫責有歸王勿怒師師亦是木偶兒

不牽不引何能為嗟爾偃師何能為

兒莫啼 有序

題乳姑圖也

兒莫啼婆婆與汝棗栗梨汝且去騎竹馬嬉兒牽娘裾  
雙泪流東邊一隻兒要留弄娘衣帶喃喃不休舉指切  
摩向婆說婆婆不小喫乳羞婆婆不小喫乳羞

兒挽母 有序

一友無子內莫門妾生兒十餘歲矣身死家貧妾遂棄子別嫁作兒挽母

兒挽母母不留兒泣母乃笑泪從笑中流汝爺內我時

刪後詩存

卷之一

四

本為生汝兒有兒母安用不去將何之母在兒同飢母  
去減口兒得肥兒長知好色擇妻須彼妹豈不念汝母  
夜寒風雪老無夫

折杖行 有序

里中兒不孝父年七十餘扶杖詈兒兒不遜以杖杖之兒取折為三投水中

古藤杖古藤杖爾方萌茁時樵斧不椽喪養爾壘腫杖  
毒龍惡蛇狀今乃亂翮人挫汝百折豈過當君不聞古  
來小杖則受大杖走走入濁流化梟母梟飛啞啞坐高

柳

孝烈橋 有序

江西饒州仁安謝疊山先生女嫁周氏早寡聞父母殉節出奩資作橋橋成赴水死里人名橋

曰孝烈

徒死不建橋奩資委無用爲父建坊石虛設不如建橋  
濟人衆行人口說謝家女因女還思謝家父忠精貫石  
石如玉孝女當年籌已熟橋成一死何從容此才此節  
巾幗雄君不見牛角山河簫鼓中六橋風月忘兩宮

新婚別 有序

蕪城胡生年二十一甫婚兄不肖嗜博積逋累生遂投河死

刪後詩存

卷之一

五

我欲賣身身值幾何我欲賣妻妻值幾何逋不可負哥  
貧無家別我嬌妻薄暮渡河爾髮如黛爾顏如花碧袖  
錦緣羅裙絳紗膩粉艷雪紅脂燦霞用事後人朝笙夕  
歌夫也不良負妻實多弟也不良我負我哥

三金釧 有序

襄船火一女臂三金釧走急墮江漁人救之女攀船漁取其釧納之水死江岸人証之白儀真令服厥辜焉

金生始救始登舟金殺始委始中流人謂老漁貪且噏  
漁實見金不見人泉下始爾勿怨始若棄金我何羨堂

上官爾勿惱漁有罪法敢藐一言還問官官若化漁頭

肯綽

鴨捕蝗 有序

三月上元縣沿江產蝗或獻策募捕坊鴨百千食之殆盡鴨亦隨死作鴨捕蝗

江頭產蝗地無縫老農披蓑驚曉夢謀夫孔多策誰貢  
鴨來鴨來百千開五日腹半果十日蝗盡噫鴨肥田亦  
肥捕蝗此良法緣頭能言笑而諱周公制禮禮不周迎  
虎迎貓不迎鴨

唾夫面 有序

刪後詩存

卷之一

去

鄧艾下陰平漢將馮逸欲降妻李氏唾其面曰負國如此吾何面目與君共立也遂自縊死

唾夫面面唾夫賊將下陰平爾乃歸擁爐爾忍負國恩  
妾肯爲犬豚雖是同床人同生不同死夫爲婦人妾男  
子人各有志梟與凰君不見北地王殿下殉國陛下降

梅五娘 有序

五娘寧國涇縣人黃巢之亂賊欲污之不從遇害土人爲立香心廟祀之

敬亭山高雲窈窕琴溪風清月皎皎唐家九寢作塵飛  
五娘獨有香心廟香心廟前水鳴咽香心廟中火不絕  
至今一縣衍波濺萬朵梅花捲晴雪

臣負帝 傷匡山殉國也

臣負帝臣不負帝誰負帝負帝入龍宮卷髮拭龍涕二  
聖當年墮沙漠此日波濤良不惡帝少豈是亡國君臣  
愚乃作亡國臣嗚呼大厦傾兮一木繫一木不力兮臣  
實負帝

補

哀樂行

大兄奄奄氣不屬小弟蘭房夜然燭大婦衰麻卸璫珥  
小婦新妝艷羅綺可憐落地爲弟兄一夕悲歡判生死

刪後詩存

卷之一

七

嗚呼人生哀樂安可齊一面尚能分笑啼

刪後詩存卷之一終

刪後詩存卷之二

客星山人陳梓古銘

今樂府

下

夏之日

有序

周臣通州人正德初刑部主事時有投匿名列劉瑾罪惡者瑾大怒矯旨朝臣五品以下廷跪方酷暑臣死日中

夏之日日何烈中有忠良受焚炙氣冲霄血枯嗑鼻出  
火身作腊日胡顏不知恥寵爾奴聽驅使日曰吾不知  
瑾實矯吾旨日乎日乎尸位耳

刪後詩存

卷之二

一

冷笑官

有序

進士袁繼咸江西人崇禎中任揚州兵備副使中涓楊顯名恃寵驕蹇繼咸不爲禮銜之誣劾罷官無可指摘彈文止云半揖冷笑而已

君非冷官胡冷笑一笑罷官何足道前有魏後有楊今  
王豈不鑿前王以笑當哭心孔傷半揖半揖爾莫悵君  
不見萬里山河一揖讓

井旁女

有序

不知姓名嘉靖乙未倭亂女不屈死井旁衣裳聯綴面如生

井旁女屍在石床下上衣連下裳下裳連膝袴密針細

縫誓完節倭刀刺身不流血白血遶井化爲雪雪上烏  
行書作潔

包燈行 有序

包壯行揚人崇禎癸未進士官工部主事喜叠石爲山能剪綵作人物官殿車馬爲燈夜燃燭望之巖大癡雲林墨妙也今傳其法名曰包燈

君不見隋家剪綵亡天下如何包主事不愛山真愛山  
假移取江山入圖畫化畫爲燈供戲耍到今遺法廣流  
傳百巧爭先奉紈袴寄語看燈人此製創自明文臣明  
文臣入股生官工部職在組與紉一座江山繡大明

刪後詩存

卷之二

二

螻螻蟲 美盛彥也

螻螻蟲啖主母母虐我誑以糗香且甘母可口密藏示  
吾兒佳物重購之兒歸兒號啖母耶此螻螻母驚忽開  
眼雙眸炯如電兒拜哭且喜撲蠱變離卦鑄錯得金矢  
母今勿捶婢勿捶婢兒不如螻螻螻螻是孝子

沈孝子 有序

名政泰州海陵人父爲僑官凶暴毆平人死政途遇父恐情問故卽號呼號衣故毆其屍就官服罪聞者傷之

沈孝子父殺人兒就死兒非代死兒實毆父老拳不如

兒毒手兒不幾諫兒有罪但令兒死父知悔嗚呼父果  
悔過兮痛吾兒兒不可生兮吾實負兒

哥生兒 有序

史得儀真人兒能為指揮坐法當死得念兒未  
有子願以身代兄竟出獄生子得亦會赦並釋

哥無兒哥死奈何弟不哭弟代哥哥出獄出獄生兒添  
似續弟豈無兒繼哥後不抵親生一塊肉天家有赦抱  
兒看縫尺布加兒冠春斗粟勸弟餐嗚呼如我弟兮為  
兄良獨難

蔣烈女 有序

刪後詩存

卷之二

三

泰興人年十二遇賊自投水賊一手執刀一手  
就水援之女自斃以頭觸刀陷骨復自拔刀斷  
左臂死

河水清且漣洗我烈女淚烈女烈丈夫一寸白虹氣將  
頭觸賊刀拔刀自斷臂怡然赴長流冤鬼了無憐問女  
年幾何女年纔十二

殺五虎 美石明三  
也餘姚人

兒出門母方咳兒入門何在號哭手持斧入山索仇  
虎一虎不足殺其五嗚呼兒力竭兮母不可活母不可  
活兮兒罪奚釋目不瞑兮身壁立入乎斧乎化為石

玉孩兒 有序

宋高宗宴大臣張俊扇墜玉孩兒上識是十年前往四明墜水詰之乃候潮門厨娘破黃花魚所得大喜舊物復還

玉孩兒朕憶爾十載四明兒墜水朕念爾頻歎兒乃

孕在黃花魚厨娘破魚得玉孩循玉抱還投朕懷兒今

出入依朕扇光華莫使玉工羨持兒改作二勝環懸朕

腦後朕不見

胡蘆灰 有序

李衛公謫崖州遊禪院見壁掛十餘胡蘆問所貯僧曰皆人骨灰太尉當軸朝列以私憾黜此

刪後詩存

卷之二

四

者貧道焚骸貯灰以待其子孫耳公聞返走心痛是夕卒

相公不識胡蘆物此是老僧親拾得多少遊寇在異鄉

生殺都由相公出相公不到崖州來那識胡蘆貯此灰

胡蘆灰相公見之心轉哀前車後車同一摧寄語後來

權宰相莫畫胡蘆依舊樣

付了昨 有序

宋高宗蕃壯士丁昨凡異已者拉殺之語曰莫跋扈付了昨

莫跋扈付了昨跋扈誰昨不知惟帝所指立殞之朝廷

刑賞自有司安用委此屠沽兒委屠沽兒在知人惟勇

與義用乃神若教丁昨是施全賊槍頭顱早不完何須

七首朝朝膝禪間

血窩兒 有序

俗無子使其妻妾僞為有娠者陰取他姓初出胎兒為己子名曰血窩過繼

嗚呼血窩兒不省身所生稍長聞人言彷彿有弟兄兩

血淋漓誰其滴父兮母兮終不識何處昊天呼罔極陰

風慘慘組豆陳野鬼角食旁逡巡可憐赫赫春秋筆不

罪鄙人罪苦人

五更母望兒 為馬生作也

刪後詩存 卷之二 五

五更蕭蕭風捲幃雞鳴犬吠兒當歸兒不歸兮母長飢

鐵衾淚濕結老冰夢中隱隱金焦青兒歸來兮母零丁

家中頑弟夜出博籬門不關鬼膈膊晨炊無米抱空橐

驚蟄徒聞腹雷作

孝女行 有序

杭厲氏母病且死女珥叩首床下歷求申酉三時母甦而女死矣作厲孝女一章

嗚呼孝女爾竟死耶爾母已復甦爾若知母甦爾不可

死還為母承歡娛爾若竟死傷母心傷母心兒罪深寬

歸入夢告母氏兒本是殤鬼天遣藉母成孝名母勿痛

兒兒死勝於生母不信誦我孝女行

肉雙陸 有序

分宜柄國尙書某爲世蕃狎客織扇爲雙陸譜  
令美人三十二衣縑素各半每當其點位美人  
聞聲自趨跼之世蕃  
大喜名曰肉雙陸

肉屏風屏風雖好製不工不如美人化博戲美人無多

三十二能笑能言巧回互縑衣忽去縞衣來錦褥蓮花

生步步相公老作點籌人賭采莫櫻公子怒公子怒豈

特張昌宗安有千金裘輸與狄梁公嗚呼豈知東樓一

崩如解瓦坐看一馬踏六馬坑耶塹耶誰提防悲哉作

刪後詩存

卷之二

六

備陳思王

洗筋行 有序

江西俗惑堪輿贛州南安尤甚親葬二三年掘  
洗骨紅還故塚黑改新阡逾年復爾名曰洗筋  
亦曰檢筋今丙寅五月泉  
司張師載奏其事禁之

筋何人筋汝二人洗何人洗汝兒孫紅者還故塚黑者

營新墳新墳新色不轉紅再遷再洗無終窮紅紅黑黑

究何憑黑且達官紅作僧天良蚤極喪地理將何徵君

不見南安九十九曲水紋繖胡爲產此紛紛食爺獸贛

州亦有鳳凰池生此叢叢啖母鳴愚民但說郭璞好郭

璞頭顱赤如寶銜刀廁間身不保

蒼耳子

有序

謝家店民家雙燕乳四雛雌忽為鷲所搏俄有雌來續偶一二日雛皆死土人啓雛喉皆蒼耳子也

蒼耳子殺吾兒兒言蒼耳不殺兒銜蒼耳者誰使之爺

不續偶雛不死何苦嘈嘈怨蒼耳

不續返白旗

有序

章太傅建州人出兵有二人得罪將斬夫人練氏密使逸去二人奔南唐為將攻建州將屠城遣人以金帛謝夫人并授白旗植門夫人不受金帛并返其旗曰欲屠城者吾家不願獨生也

刪後詩存

卷之二

七

二將乃止

仁哉章夫人受白旗全一門返白旗全一城全城若死

不獨生片言動賊賊感嘆一州生靈免塗炭偉哉章夫

人以智以義全其仁何必入子榮顯追前因

好喫否

有序

靖難時文皇召禮部尙書陳迪至不屆與子丹山等六人同劄于市臨刑割子肉啖迪問曰好喫否迪曰忠臣孝子肉香美好喫

好喫否帝問爾爾曰肉香美庖鳳烹龍無若此世間惟  
有篡賊之肉肉腥惡犬不食餘委溝壑謝殿下成我父

子在天爲七星令忠臣食孝子肉殿下亦留千古名

復仇童 有序

宋宣和中都下趙倚年六歲隨母嫁田生慘虐其母六年倚適病伺田生寢促母出市藥持刀殺田生連十餘下力不能中要害隣人救之倚曰吾恨不能斷其顛即自首有司以孝開減死

田生何人吾父仇仇不虐母兒且休六年隱忍困雞肋

一日持刀上床側刀鋒稜稜十餘下欲斷其顛臂無力

行人涕泣官憫少罪從未減彰厥孝噫吁嘻只今四海

多少忘仇兒刻木臥冰無不爲豈知爾父重泉下萬斛

沈寃淚空灑

刪後詩存

卷之二

雪夜紡 有序

楊園先生少孤貧母夫人雪夜紡紗久不寢問故曰明晨西席師無肉需此易之賢母生大儒豈偶然哉

貧家苦延師一肉常拮据魚菜豈不飽醴酒申斯須賢

哉橫渠母望兒爲大儒雪夜紡紗捲雪門外雪高紗

尚缺十指離離凍凝血先生下箸甘且香豈知一縷萬

縷雪吐芒中宵寡母九迴腸

麻衣斂 有序

楊園先生祖父棺爲盜所焚哭其旁七日不食李石友自徒哭何益復仇爲王乃告當事捕盜

誅之以首祭墓然畢生抱痛  
以麻爲衾衣卒時遂以斂

少孤貧不葬此罪吾何逃一宵丁火劫七日空悲號砍  
賊首祭吾祖盜血空污墓前草何補殘骸泣黃土縷麻  
入土拜先人寒食蕭蕭白楊雨

問老姨 美狄梁公  
盧氏姨也

問老姨姨有兒兒何爲姪也相能辨之姨言姨老惟一  
豎忍令低頭拜女主拜女主好男化醜女醜女之祿乃  
養親不如老死甘賤貧吾笑天授以來團面人不能反  
周爲唐徒失身

刪後詩存

卷之二

九

永安湖 看序

何商隱先生汝霖饒于貲值齒歲出米五百石  
藜挑敬胡令深廣至今農獲其澤而先生竟無  
後

永安湖廣以深誰疏之何公霖今百載田且稔田歌譁  
雨生葦公無兒儂祀公享田祖位以東

白雲翁 有序

昔吾鄉楊秘圖珂居四明每遇白雲滿谷負巨  
瓮納之祇封口携置草堂俟霽時引針紙隙縈  
慈梁聞呼朋爲  
笑樂亦韻事也

水窮看雲自怡悅持贈不堪草堂挈山人幻想獨居奇

秘圖傳得裁雲訣  
屈頭負瘳四明山  
雲南雲北雲中間  
兩手招雲入乎洞  
白紙糊封密無縫  
攜歸約客待新霽  
看我代天司啓閉  
一針一孔氣融融  
屋梁戶牖俱騰空  
無心入窶出有心  
逃虛仍向深山深  
山人夜夢白衣語  
儂不好弄爲君許  
明朝洗瘳上嶙峋  
寵君老作負雲人

真酸子

有序

蔣司空瑤爲揚州守會武廟前巡宦豎橫恣公  
僅鳩供應之具不復斂民一日捕大鯉謀所鬻  
左右曰莫如揚知府公歸括妻女衣笄進之上

天子賣鯉魚魚價誰能償  
莫若揚州守歸括妻女裝帝

刪後詩存

卷之二

十

日眞酸子上方安用此朕魚  
若取他自有出錢主爾妻  
寒無襦酸子但將去清名  
至今垂蒼蒼一江雨後來酸  
子牧揚州箇箇鯉魚肥  
上鉤魚腹有書聞九重腰纏願  
解帶河工

嵇家莊

有序

高郵布衣嵇聳文丞相見逐于眞州聳迎事于  
家禮供甚厚資送至泉州航海達行在時工部  
侍郎柳岳奉降表過其  
莊聳怒其賣國襲殺之

灑涕送丞相大風吹海航  
誰歟奉降表玷我嵇家莊  
布衣腰下劍月黑夜吐芒  
詠此賣國賊爲天伸綱常莫道

布衣賤生殺抵南面春秋天子事罪我亦快怵君不見  
俠容區區報私怨司馬臨文尚驚羨

### 椒山膽

椒山膽與天地準  
蚺蛇蚺蛇一蚯蚓  
蚺橫乃困大澤龍  
龍睡九重珠墮井  
風吹柳鎖鐵陵嶒  
山妻呼天天不磨  
五奸十罪誰割斷  
髀肉脰筋血糜爛  
伯約斗大何足論  
子龍百戰徒一身  
君不見血性男兒  
骨爲粉忠義不磨  
天地準

### 祭忠臺

有序

刪後詩存

卷之二

十一

哀劉公球也祭之  
者成器餘姚人

祭忠臺颯颯風雨來  
恍聞義士聲  
哀哀西臺一慟此再  
哭鼓斷當年如意竹  
如意竹不如意  
嗟哉千古此成器  
成何器忠與義

### 親兄弟歌

有序

石虹村見臨安山兄弟二人酒肆說家事不合  
各舉矮杖相擊石曰奈何以假兄弟打真兄弟  
耶余爲  
作此歌

上山仗爾下山亦仗爾  
一手一足相依倚  
安危托我親兄弟  
君不見一父母生兩兒  
圓蓋方底多參差  
斗粟尺

布爭家私如令假弟打真兄真兄何敢怒假兄打真弟  
真弟媿而懼君不見繆彤掩戶自撾不爲辱世間多少  
闕墻人安能如爾一步一扶親骨肉

田家行

七月好大風田乾苗欲槁十月好天晴欲收苦無稻無  
稻亦自可牛飢沒稻草賣牛且糴穀小叔勸阿嫂阿嫂  
道牛賣不得哥哥回來大煩惱哥回乞食飯滿籬一家  
不餐讓汝飽

張千載 有序

刪後詩存

卷之二

三

文丞相友也丞相費屢辟不起及兵敗乃從入  
燕囚所供飲食三年丞相遇害函其首并火夫  
人骨南  
歸葬之

屢辟不肯起潛身從入燕三年具餐飯百回歷苦艱一  
函丞相首一橫夫人骨歸葬付家人不負存與沒一忠  
一義兩無爲爲友爲君心不二君不見燕都赫赫諸儒  
臣晨膠膠暮狺狺功名理學都成塵嗚呼千載千載人

池烈女 有序

康熙己未江都池烈女少字吳氏子會南粵之  
變從軍六年不歸舅姑奪字其次子父亦憐而  
允之親迎有日  
矣女自縊死

女未適人命從父兄妻弟妻爭幾許女曰此獸行姊似  
各有主嫂叔不通問賣倫乃奸序妾寧下從南粵軍軍  
中不思女子魂蠻鄉萬里不識路丹心一寸天南雲鳴  
呼父耶舅耶爾何人彼弒兄者何足云

附

養蠶詞

田家養蠶極苦辛蠶大費力小費心臘月十二蠶生朝  
炒鹽獻竈家家勞清明夫婦莫走動隔夜探花浴蠶種  
蠶種不一分炎涼熱看冷看須忖量屈指來朝穀雨近

刪後詩存

卷之二

七

出城買紙糊蠶筐轉綠變藍蠶子出

蠶子始出綠色繼藍色

驚毛

擔落房中藏嫩葉細剪如乳哺頭眠三日魚鱗鋪二眠

兩日連樞枝眠眠插替勞何辭

每眠三日換出桑葉謂之替蠶

今年二

姑把蠶穩不如頭姑昏昏小姑狠出火一錢二百倍大

眠一筋五筋外如此收成定十分割肉先獻蠶將軍掘

筍勿叫筍叫筍蠶要損喫薑勿喚薑喚薑蠶要殭况今

天時頗溫和微風拂拂雨不多雷驚沙脹更何慮人力

到時天豈悞大眠以後廣送葉老翁提筐小兒挈不愁

葉貴只求飽四十二餐一齊考

蠶熟腹通亮口考

山棚灼火真

小心起望山頭白  
晴三日齊封門  
五日始采繭  
一筋采十筋  
合家開笑臉  
前村後村絲車鳴  
咿啞啞聲相聞  
或嘆白肚娘  
上山一半疆  
或恨出火早蠶了  
葉又了四鄉  
各比並只有我家好  
我家雖好勿喜歡地  
丁昨夜來催完  
豪家復要蠶罷米  
今朝撐船泊村裏  
官糧不抵私債  
苦一石冬春須石五  
賣絲分完兩手光  
一月替汝空奔忙  
落得繭黃績綿線  
織得綿袖一丈半  
去年無襦今有袴  
畢竟蠶桑是長算  
不恨官私兩迫促  
但願年年如此  
十分足放膽  
且喫豪家粟

刪後詩存

卷之二

四

弄潮詞

日出雨瀟瀟  
日高峯影遙  
郎來郎又去  
不信信如潮

本集三十六通歌

有序

山中人  
麋鹿葱根禦飢必易  
水三十六次乃可食故名

榆樹不長皮  
苦草還留根  
洗根不辭苦  
敢恨溪水渾  
五通十通味尙劣  
三十六通香且潔  
兒號女啼不耐事  
腹底雷鳴腸蚓結  
平時碾穀炊作飯  
寅初浙米卯初嚙  
如今三十六通纔一餐  
一歲艱辛幾千萬  
嗚呼皇天生此活  
飢民但令腹可果  
安計苦與辛  
君不見古時方里爲

井井十通九年餘穀三年豐卅年之通制國用民間不  
識歲有凶三十六通爾何功汾山彌谷青丸丸

八月賣青桑行

九月賣枯桑桑枯葉重生八月賣青桑桑死不再青豪  
家許我清明贖立夏無錢禍當酷子母相權值倍償小  
蠶嘈嘈飢在簇蠶飢不成絲入口將何資去年八月賣  
青葉今年七月留不得呼兒擔糞勤灌沃有日婆娑千  
樹綠了却官逋與私債枯葉青桑按時賣

禽言

八章存  
五章

刪後詩存

卷之二

五

啞爹爹呀兒去十四載不得還家爹爹頭竟白耶頭白

耶可有弟弟麼兒欲還家看爹爹呀

作此爲亡兒孝羔  
也下筆淚如泉湧

人非利己誰肯蚤起蚤起蚤起一束薪一斗米兒不得

食妻色死莫怪儂蚤起利在官家不在赤子儂但得五

畝宅百畝田八口大歡喜紅日曛曛被窩裏誰肯蚤起

哥哥歸去休絡繹當窗夜啾啾嫂在空房哥念否鈞簾

開鏡朝梳頭嬌花照日露未收東隣少年騎紫騮玉鞭

笑指牆上頭買紅纏缸申寒脩哥哥哥哥歸去休

打榔打榔榔不就蟲蛀齧爹娘生爾精慳爍遺爾田錢

飽橐奈何十年委邱壑石槨不能磚可作入土爲安何  
厚薄打榔打榔

得過且過三冬夜永無幾何豪家狐帽氈爲靴羔兒煖  
酒雙頰醜蕭牆禍起涕滂沱窮簷負日改絮窩粗糲得  
飽腹自摩知足不辱榮已多我雖無衣春向和得過且  
過

從軍行

朝從軍暮從軍從軍之樂君不聞長槍大劍爾何用靈  
丹鑄我不死身古來甲冑本多事裸體重圍我何忌朝  
刪後詩存

卷之二

六

來起馬獻闕廷綉服當胸書勇字諸侯相酌黃金杯馬  
前簫鼓喧如雷道旁爺娘不須哭此去西陲破如竹朝  
擒左賢王暮獲南單于封侯穩取印如斗歸獻高堂明  
月珠

節孝歌

爲人齋尊堂  
吳儒人作

嗚呼夫子蚤沒兮委妾二事上奉翁姑兮下撫孤子孤  
幸長兮姑卽世惟翁八十兮龍鍾妾非畏死兮敢不保  
其躬奈事翁兮養不終下見夫子兮泫溶謂妾爲節

兮髮未白謂妾爲孝兮翁未沒嗚呼惟夫子兮知我深  
嗚呼惟皇天兮鑒我心

盤山歌三章

寄廬青山人

盤山之陽松盤盤盤山之陰澗潺潺中有幽人兮脩髯  
而蒼顏水流花開兮非人間我不見兮日且暮欲往從  
之路漫漫

盤山之麓竹修修盤山之巔雲油油中有畸人兮蹠爲  
巢骨峻嶒兮氣騰霄我欲卽之夢迢迢雪載塗兮風瀟

刪後詩存

卷之二

七

瀟

盤山之旦日蒼蒼盤山之夕月荒荒中有隙壤兮容我  
耕子蓑我笠兮並犁而行千山萬水兮路杳浩子不我  
卽心憂傷

盤山淮南一老歌

美應曜也

四皓出商山一老終淮南淮南之松抱根臥商山之雲  
去復還嗚呼冠可溷儒失色麟雖見鳳不出肯爲儲皇  
生羽翼

支湖行

有序

胡支湖鐸吾鄉人作  
異學辨爲陽明也

姚江雨漲流支湖支湖水清源委殊撓之不濁纓可濯  
湖上孤峯支海角釣槎我昨富春來珊瑚竿掣狂瀾迴  
瀾定姚江千頃碧魚豉秋蟾一珪白

補

白頭赤子歌 有序

張子莘臯六十尚孺  
慕爲作此歌壽之

何人頭白尚赤子紫微山前老寒士小山叢桂香乍含  
瑟瑟秋風營北庀中宵哭母作兒啼空庭月白蟲聲悽

刪後詩存

卷之三

六

劬勞一日終身憂六十而慕吾何求諸孫繞膝不自喜  
只恐餘生玷遺體淵冰保我方寸珠要令晚節同生初  
君不見永思樓頭雞唱曉夢覺斑斕涕沾襖

論

白頭赤子歌

刪後詩存卷之二終

刪後詩存卷之二終

刪後詩存卷之二終

刪後詩存卷之二終

刪後詩存卷之三

容星山人陳 梓古銘

古體詩

送阮大之南亭

商橫攝提格首春大阮秣馬將北行柳枝半綠溪正雨  
梅花欲白天未晴清晨走相送野橋傾一卮與君別三  
年握手纔幾時風塵滿天地去去君何之  
行路難行路難瞿塘之水太行山人情反覆雲雨間黃金重然諾反  
笑管鮑薄轉眼成仇讐一室揮戈矛何如歸故土結屋

刪後詩存

卷之三

一

娥江澣棕蓑箬笠無是非白水蒼山自今古舉杯勸君  
勿復疑堂前白髮雙淚垂大阮大笑爾何怯太山可挾  
海可涉忠信吾所仗風波安足脅屈頭大擔橫兩肩黑  
雲夜作雷雨天孤行萬里不掛劍深林遇虎麈空拳平  
生壯志直如此兀坐荒村徒老死乾坤何處非吾家四  
海相逢盡知己邯鄲况復多少年椎埋屠狗皆英賢時  
無伯樂空塵埃我行物色擘騮材人各有志壯哉君言  
送君北去掩我柴門春山當牖秋月盈樽梅妻子鶴共

此朝昏

同芬佩倫表集名竹齋賦庭中紅梅分韻得寄字  
小齋緊團坐僻徑慰坎珂主人出新題紅梅植庭左分  
體更十韵喜得二十寄此花愛貞素艷色太婀娜老幹  
節纍纍赤虬珠影影風流或稱君淡泊不類我俄頃羅  
春盤嘉肴雜名果巨量逢滿卮連甕倒白墮醅顏倚床  
立脚軟半偏跛此時看紅梅自笑忽許可伯夷長塗炭  
柳惠忽袒裸不改冰雪心脂粉任包裹譬如五柳翁終  
日醉婆娑試問獨醒人義熙有誰麼以此定品格此花  
亦頗頗紅杏空妖嬈穠桃終鄙瑣貌類別真似狂瀾見

刪後詩存

卷之三

二

雄枕吾言非矯採春光已淡沱推窗月濛濛牆角半開  
采

乞畫貓十七韻

人間鼯鼠多貧屋不少貨穿墉夜窺燈呼朋曉成隊遍  
索無餘糧大嚼怒空袋殘書尚波及敝衣更誰愛床頭  
老狸奴念佛阿婆態

俗以貓睡  
爲念佛

喫飯不管事習慣性頗

耐翻思泥塑佳黑白買成對東西張疑兵朝暮無定在  
撐耳炯雙眸瞥見暫驚退既久漸褻玩視之仍土塊或  
來脚其鬚甚且坐其背我欲殲厥魁張湯不可再聞君

挾神技按歷五行配一揮得斑虎百穴膽都碎萬物有  
克制此法寧憤憤分惠豈我惜得此寶難賽清宵幸安  
眠空村一犬吠

假山

幽湖一恨事無山并無水紫微兩撮高遠隔四十里張  
翁結松軒疊石數峯起萬事無過真此物假可喜吾家  
在江東孤城萬山裏開窗朝巒青落日萬峯紫振衣上  
翠微海濤白瀾瀾長歌來春風散髮傲黃綺樂土不久  
居江湖日遷徙子規徒催人白日急于駛山假尙可寶

刪後詩存

卷之三

三

山真棄如屣覩此百感生低頭獨垂涕  
聽松軒題墨海棠畫卷得質字  
吾性本淡泊于物了無暱况被草木微過眼纔一啜百  
花惟幽蘭差可入我室嬌艷如海棠斬刈非所恤世人  
重脂粉題咏動成帙會心獨子美全稿無一律諱母徒  
妄傳君子有同疾張翁大笑子太迂花不艷者十無一  
君惡其色吾有方斂華便可得其實開箱捧出古墨圖  
花如水雲蓋如漆俗粧妖態一洗空但覺清光照蓬華  
把卷摩娑不釋手文竹徐梅巧難匹吾欲持此酌蒼天

遍告東皇與太乙然藜夜照秋露清化却濃粧墨爲質  
世上永無紅海棠古色蒼然表真率年年開落當階除  
眼底塵埃盡如失嗚呼人間安得有此花離世獨立衆  
所嫉短歌雖豪亦何用野老仰天三歎息

以帶玉

吾聞樂啟期窮老行帶索又聞嚴子陵傲裘寬不束如  
此二公者富貴等糟粕玉帶雖逼苑安肯上腰髀程君  
倍價得此物自居奇貨寶囊橐齋沐三日始開匣座客  
圍看盡驚愕氣溫色皎潤而栗體方質厚端且恪白龍  
刪後詩存

卷之三

四

盤盤晝閃爍青蛇熊熊夜磅礴或云此是一品服兩眼  
睜睜手雙掬爲解腰帶試穿着濶步儼然在朝軸持歸  
傳示誇妻孥蚤起倚門聽響卜嗚呼人情齷齪類如此  
無德佩之孰知恥整我韋帶坐我茆屋是咩是釣以誦  
以讀我思古人溫其如玉

夢兄

十夜九夢兄顛倒死與生夢死固可悲夢生難爲情床  
頭小女兒十歲如孩嬰問爺旣不哭問娘亦不驚似恐  
生者悲處之但平平有時索梨棗嬉笑隨諸甥爺在若

見此頗喜得天眞坐膝與摩撫藹然天地春此樂那可  
得徘徊涕霑巾  
陳芬佩曹名竹張倫表小齋分體得五古成百韵  
端月月幾望密雨接昏曉其日正立春旬尾當癸卯土  
牛止豐歉地母決朕兆但願歲大有腐儒得一飽好事  
吾孟公聯吟集同僚良會自隗始茆齋坐團遶一座纔  
四席名竹及倫表曹君畏泥濘傍險膽獨小丈夫志四  
方咫尺何悞惱薄暮邀始來飢腸盡如攪貧家乏供具  
盤餐實草草白酒不醉人粗飯缺香稻年物漸欲盡乾

刪後詩存

卷之三

五

肉半垂槁入市得細鱗腮紅腹如縞一味差可嘗請君  
啖肥腦淺孟堆粉糝溫湯潤春茆凡事在創始固陋便  
私巧五簋佐一點餘套俱可掃酒半起行令經史戲襲  
勦觴政頗嚴厲受罰不敢撓須臾拈新題奇句競搜討  
擊鉢響偏遲刻燭痕逾早敏捷安足誇草率受下考今  
人昧大雅學語類襁褓不解肖神骨但求飾詞藻作詩  
如用兵轍亂旗便倒王師貴正大詭計絕誘挑曹伯張  
奇師陳人築堅堡游騎紛四馳中軍時直搗子房急借  
箸赤幟驚立趙殘城楚爲墟妙策吳可沼我亦徒手呼

驚馬忽騰躡三戰仲父北一箭夏侯眇滯墨縱揮灑銀  
箋光皜皜居然殿騷壇瓦礫混瑪瑙搖頭自吟哦快如  
癢得爪因思友朋樂在家窮亦好不見老鄭虔束裝九  
月杪馳驅五千里到今音信杳此時應思歸兀坐心悄  
悄望月空團圓看山獨窈窕夢中兩兒子牽命索梨棗  
粉黛面復光彷彿見賢嫂醒來抱空凋間關聽春鳥孰  
若吾與汝和風滿懷抱柳條青濛濛寒梅白梢梢三陽  
初解凍虛舟縱游眺沿洞百里內五湖及三泖甲出乙  
便歸兒女膝圍繞卽如今夕懽融融續高燎蟹螯從左

刪後詩存

卷之二

六

持葫頸向右掬滿杯共勸酬一室還熙皞絮擁已忘貧  
鬚長不知老舉眼看世兒列肆盡魚鮑金輕蟬翼重顛  
倒白與皂口交肚生棘趨勢火就燥乞袁東郭間驕人  
子都姣七札空自雄三窟豈爲狡縱爾久榮貴聲名等  
枯藁况復多禍災倖免見實少好兵必召亂漁色自取  
天倚伏本如是胡爲重紛擾高陽有奇士氣槩頗渾灑  
嚶嚶稱古人動與流俗矯虛名蓋當世王公目空藐自  
謂天下事一著便可了盆成雖多才季良終莫保一朝  
入網羅奄忽同餓莩此公尙爾爾餘子何足道曹君久

浪遊世味別涼燠棘枝棲鳳鸞鹽車困騾囊裏足今歸  
來守身如寡媼相戒弗復出羊腸曲而繚孟公負淹博  
文章極奧渺漢魏八洗滌左國憑化造愛我踰骨肉規  
過色常愀相對每受益薰人凍添襖張郎復英挺吐詞  
月皎皎新篇出錦囊儼若列仙島平生喜聞過語直不  
嫌絞杜門奉雙親塵累怕纏繳梓也丁數竒辛苦蟲入  
蓼兩年慘懼變思兄心百擣孤立空茫然涉水波浩淼  
遺編亂誰帙先業懼難紹幸有諸子在指迷眼重瞭常  
恐負所懷清夜切虔禱但祈寡尤悔不爲立榜標方寸

刪後詩存

卷之三

七

得主持本體還皓皓簪笏非敢傲稼穡眞我寶薄田數  
十畝秋成免早潦草屋八九間清風圍碧篠閑筵村醪  
香破甕菜根咬傳家無長物萬卷積網縹高臥自羲皇  
得失付穹昊詩文終末技未須急爬抓立身有本源枝  
葉臂可掉喬松冠巖巔攀附絕蘿葛來朝天色晴長歌  
日杲杲此意誰能知不雲共飄緲

葉舟看桂

君不見茫茫六合一葉舟檣傾柁倒隨洪流篙工老死  
呼不起狂風濤浪高于頭君家古茆屋落落纔數椽下

占半弓地上蓋尺五天窗前老桂花半殘慘金撒玉香  
浮烟客來穩坐濃撲鼻如放入月西湖船命名獨取巨  
山語使我感歎心愴然江濤吼地海捲沙此舟雖小無  
風波不動不搖安樂窟君心似此無偏頗萬里可到寧  
蹉跎天香月白雲婆娑與君扣舷高作歌

石筍歌

春雷轟轟萬芽坼山圍迸地龍生孫半夜風雨六尺高  
崢嶸直欲干天門巨靈瞥見情不識一叱當頭化爲石  
至今兀立東海隅生氣包藏鬱難發虎皮斑駁點蒼苔

刪後詩存

卷之三

八

此角陵嶒射紅日古來材大須有用溝斷終經大匠出  
昌歎羊棗千載傳飽繫誰甘老不食吁嗟石筍吾語渠  
可餉饑腹克吾厨我本鐵石爲肝腸漱口礪齒當一嘗  
使阿香兮刷其根飛簾兮解其釋女媧舉火調作羹滕  
六下鹽脯爲錯撐腸拄肚五千片片晶光眞玉版路  
旁野鬼休擲揶崑崙尖尖亦可饌君若不信視吾舌千  
年之後血爲碧

蜃樓海市歌

吾聞雉入大水化爲蜃往往吐氣成怪雲然脂爲燭幻

形影猶有殿閣飛氤氲朝來攜屐上南嶺眼黑却望海  
霧昏延袤十里大圍繞百雉屹立如長城戍樓烽堠各  
羅布倏忽變化開九門或如咸陽阿房宮五步十步樓  
閣雄或如佛山開井市千家百家列廛肆或如軸轆蔽  
潮下青雀黃龍密無罅或如萬馬騰黃埃槍旂劍戟雜  
沓來爾時觀者堵牆立各自驚猜手指畫仰頭又見萬  
峯起飛瀑懸崖走千尺天台石梁近可跨益州棧道儼  
相接蓬壺仙人會十方旌幢旛蓋高飄揚雲車轟轟輦  
王母青鸞下逐白鳳凰豫章之樹障天綠鄧林美箭風

刪後詩存

卷之二

九

要玉初疑八公屯甲兵旋看三都成草木其間幻化非  
一象色色空空顯諸相舌疲未許更僕數目眩誰能細  
形狀須臾海島青模糊濃者忽淡淡者無一片山河錦  
繡中寒烟衰草都荒蕪海天茫茫海濤白衣舊平沙杳  
無物是何妖怪藏精靈驅使神祇弄魍魎我思造化本  
無心二氣雜糅陽與陰礎潤而雨月暈風恒理不用旁  
搜尋卽今春煖天欲雨潮氣薰騰地蒸溘氣機先兆合  
有此何事矜張互簧鼓君不見人世美名與貴官頃刻  
只作如是觀吁嗟乎太行屹屹車可攀瞿塘汨汨舟可

沿翻覆只在方寸間蜃樓海市何足言

潘凜齋庭中杏李連理花

一樹開兩花春姿鬪紅白不是同根生如何巧移接異  
姓爲弟兄同心互交結遂使各肢體居然通血脉乃知  
天地心萬物本爲一悲哉世間入手足自戕賊三復角  
弓篇對花重太息

謝外舅惠梅樹

初然微核偶墮地一點酸心自包裹何時破胎出兩丫  
嫩葉柔枝青頗頗一年兩年長過膝五年六年花試采

刪後詩存

卷之三

十

如今養得丈二身不知培灌費幾夥山翁老圃十畝寬  
不種閒花與凡果老梅百尺高擎天五百年來歷坎珂  
幾傳生得數兒孫大者拱把小者蒞此是南宋第一支  
分與茅齋實憐我可惜已過開花時出土傷風子褪顛  
急須擔水兼挑泥將息元神復眞火明年二月香滿庭  
閑固欣然落亦可人間桃李谷堪塵任汝春光自婀娜

一 題貫槎獨醉圖 貫槎名 逢源

楚人皆醉原獨醒今人皆醒源獨醉醉醒相反獨則同  
顛倒古今直兒戲前身家在兩東門三間忽住三家村

舖糟啜醪悔已晚于載始悟漁父言天下英雄頭盡白  
吾鬚亦黃君面赤破君離索成兩癡許我畫圖分一席  
天池茫茫何所有一卷離騷兩杯酒與君痛飲撐脚眠  
起望東方日穿柳

移居

我生何局促勞勞鬢將斑頻年無定居六載已兩遷風  
雪迫歲暮挑燈束篋編臨溪有高樓老棟支壞椽借我  
十年住賴有主人賢藉此肩暫息全家開歡顏初來未  
整頓百事都闕珊紙牕缺修補北風刺骨寒土墻待塗

刪後詩存

卷之三

十一

墜四面隣火穿夜雨床床濕益盜羅滿前嬌女擁絮啼  
嬾婢傷火眠更闌與山妻爨酒驅愁煩少陵志廣廈我  
豈徒空言羣生在患難兄弟同顛連無由起溝壑敢爲  
圖宴安

題庭中老桂疊韵

小匠斲巨室大材胡爾閒遺此百尋榦婆娑當清軒寒  
蟾照古心巖雪凋華顏高枝礙雲漢羲和爲停鞭誰能  
叱神蛟移植崑崙巔花開千載香影蓋九土圓

遯野老梅北得一古梅腹空洞皮骨峻嶒如石皺

透畢具呼曰石梅贈以詩次晨村先生韵

古梅化怪石發花照春霽半體死中活皮皺蛇紋細土  
精孕木胎松柏尙嫌脆向來漫品題十載觀始諦摩挲  
獨叫絕狂可米顛繼自笑癖嗜亦不覺癢搔髻以此妻  
老梅丈人作快婿一正而一奇陰陽兩配劑念爾霜雪  
餘於易爲貞厲梅心長不凋石髮未經雍嘉名擅寵錫  
行作補天計移之春風堂孤峯峙東砌

伐木歌

南山松柏何蒼蒼誰家祖墓源流長南山松柏何童童

刪後詩存

卷之三

七

誰家祖墓飄如蓬朝伐五株松暮伐十株柏邪許震空  
山五月功未歇行人回首各長吁親孫嫡子將何如立  
契由來有成例上除青天下除地搜根剔骨豈好勞買  
賣人生各圖利君不見前村新塚磚已拆北里荒塋奠  
爲宅儂家賣樹不賣墳猶是人間賢子孫

紫白茉莉次程載韓韵

花香淡爲貴濃艷惟茉莉不堪供雅人止許媚兒婢飾  
首分餘馨誇人拂輕袂何如紫白佳與俗別臭味衆棄  
全乃天幽獨抱階砌安知此非眞彼哉冒其似君但識

花面吾能會花意感嘆各有因握手共歎歆文采多誤  
人胡爲炫奇麗

題盧彬畫冊

我從越山歸兩袖出雲氣夢中多新詩醉醒苦不記展  
圖忽眼明對面潑寒翠深巖悄無人茆廬等浮寄烟際  
恍聞鐘魂飛隔江寺

山居擬古

幽蘭不出山歸雲不離谷得飽便有餘求榮卽爲辱世  
事徒紛紛牛羊互抵觸日午雙耳清黃鸝坐深竹

刪後詩存

卷之三

三

顧影自怡悅從天乞閒身開尊對南山觸景時會心黝  
然接夢寐無絃并無琴日暮綠溪來菊苗分西隣  
朝出看山霽好風吹我裾東村方插秧饋盞羣招呼雞  
犬蹙阡陌兒童分果蔬觀此得眞樂吾亦歸吾廬

題畫菜

載陽工指墨菜自題云請啖百甕便  
成大儒鄙哉食肉徒肥其軀戲反之

君不見田野夫百甕滿腹仍非儒樊學爲圃孔不如如  
來不殺非吾徒食菜食肉須問我苟非其人無一可

麥口同芬佩過遯野老梅未開卽席次韵

蠶日陰晦麥日霽  
陸覺烟雲呈藻麗  
梅涇寒沍花未香  
當午不見蜂出房  
遯野一株龍蛻骨  
十里同來晝踰髮  
高枝突兀空啼鴉  
竟無消息通詩家  
興酣何必分濃淡  
便是好花開亦暫  
遲開能識老梅心  
雲壓風摧冷抱衾  
世人逞媚尚脂粉  
轉眼榮枯等朝槿  
何如株守墨半丸  
詩瓢酒椀無波瀾  
當筵莫嘆鬢垂禿  
生菜芳醪客不速  
主翁頭白顏轉童  
延年不藉丹砂紅  
歸途尙有新月照  
且與老梅共懽笑  
有花無花皆吾廬  
釣翁之意不在魚  
盆梅初結子風落之悵然作

刪後詩存

卷之三

古

滿樹玉花結雨子  
已訝春情薄如紙  
封姨豈無兒與孫  
摘此雙珠擲流水  
昔色慘慘樹色愁  
露朝雨夕涕泗流  
鳥來尅藉聲啾啾  
我亦生兒墮地休  
但保母在毋煩憂  
明年結子盈枝頭

出入自題望越圖

丁未秋胡生爲寫望越圖晉服立江岸隔江萬山擁翠桃柳間發春懷故國瞻望邱壘感慨係古一首

望越不歸越畫餅飢難充  
千巖隔波濤誰謂刀可容  
山中碧桃花不與秦人通  
白鷺踏晴莎烏犢隨春農  
邱壘

在何許片雲栖孤松寒食陳壺觴馬醫亦登封我亦痛  
毛裏飄泊羈吳蒙目送片帆去杳杳如夢中

以宋武帝銅印贈芬佩索湖筆用東坡銅劍易龍

尾子石硯韻

銅章閃爍電掣蛇前年開河出均窪云自寄奴仗義日  
軍書筌判臨高牙公名符合抱經濟潛見何必分龍蝦  
文壇奉公主牛耳部署秋月兼春花吾老嗜書費鈔錄  
毛錐秃做愁舛差秦城趙璧許通假雅事留與千年誇  
君不見故官耕具羞兒孫平城殿闕今誰家何如老手  
刪後詩存

卷之三

五

筆墨場未箝紙尾騰光華

梅涇觀姚吉士紙硯卽席賦

人巧奪天工石胎孕以紙重濁變輕清轉坤作乾體端  
坑徵餘材膠漆託連理浮注如墨舟墮席等仙履元之  
富經綸十事舊登紀珥筆便行裝咀華鑄詩史我家破  
銅雀老不任駢使憑君問楮生補我石學上

補

千里除桑圃種花

農蠶根本計花木供游觀如何香田君伐桑種雞冠桑

老不媚世雞冠人愛憐世人重浮華本末長倒顛香田  
古田家胸有衡與權豈肯徇流俗過眼爭媚妍小事要  
垂法淺見圖目前莫謂一畝狹坐使十夫寒

贈孫駕山

挂冠林下何許人把醜不知誰主賓傾囊尙有草堂資  
九間矮屋梅花新閒處會心獨手額巨石支門長謝客  
課兒丙夜燭花殘一覺華胥日輪赤莫笑冷官庭院空  
大快人間無事翁回頭宦海杳無涘狂濤拍身帆折風  
階前玉樹蚤培植南面百城寧易得年年一棹落西湖

刪後詩存

卷之三

天

二月烟花看山色

